

溫州府圖書館

一粟軒文集

平陽鮑

臺石芝著

門人

方履華商臣校刊



謝門士夏竹洲贖履環玕羞啟



閨之質閨者勤天之象也含章者富媪之神也與

其矜矜以自豪何如客客以無過試思奉宣尼為

菩薩猶號儒童就令萱萊子之老年何嫌見戲連

觀一切足子萬端况僕也製衣陶家漉酒之中懶編

甲子倣楊氏反騷之作不紀庚寅方且與物為春

牽 疆

蠟

視昏猶且呼鄰侯為小友喚張章以誇年不圖享
以多儀名為祝嘏是猶憫夜行之若報以更壽
見日昃之離程以晷刻令人意索祇益心切耳惟
是書傳藁歛之篇記有脰脩之禮東方拔劍不
嫌割肉踈遲白傳燒丹正賴飛雲履製凡茲
嘉貺取不傷廉敢不拜登受之皆是璧言之緒段
所當什襲以藏答以荒言用博軒渠之笑

石緣子假山落成徵詩啟

蓋聞盤谷幽棲摠鴻文於韓氏仇池片石抒麗藻
於坡翁美斯傳矣良有以也僕癖柴烟雲每蠟桑
山之後性耽林漱顏知種樹之書加之絃水清波
把釣偏宜鴨嘴雅山明月結廬怡向螺客爰地得
慶圍於辟疆賦小山於廣信三三徑外差可堆星
六六峯邊何妨拜石物緣好聚興以情牽於時人
則淮南八公友則袁羊二仲或攜柳榼或命巾車
俯流水之潺湲恍臨濠濮步洞天之窅窅如入武

夷莫不並坐花跗同穿石腹斯其為樂寧有涯乎
然而醒石騎來緣李贊皇而跡著奇礮賭去因梁
到溉而名留自顧何人敢追逸軌所願金差才士玉
若詞人駐飛蓋于芙蓉抽吟簪于玳瑁廣成采艷
綴以江花出數語之品評作一時之佳話投非燕石
所當酬以三鱣寶若鮫綃敢不藏之什襲

與鄭雪舫衡乞白芍藥啟

維時秀萼紀月媚景猶妍獲穀呼晴鮮雲未燠
鮑生於是搗幽尋之勝侶補春餘之墜歡崔護門
前緋桃李結鄭元里畔書帶香披則有玉若之才人
畜金閨之爰寵爰生美珎對影娟娟一點灵犀含
情脈脈洵哉名姝南國秀擅東家矣夫善容為
窈詩詠河洲巧笑之瑳神迷下蔡殷勤好麗振古
如茲僕也卓氏酒壚十年夢斷鄂君繡被幾度魂
消悵嘉會之難逢覩仙姿於邂逅曷禁蕊擊祇覺

神移爰乃游色界之天握坤靈之扇倣子貢三桃之
語用博嫣然廣了娘索之歌殊慚率爾不圖才非
賈至許見瑤英艷請紫雲不嘆杜牧聘少温即
之鏡析弄郭氏之絲不其懿歟固所願也時見日煖
麦天風和槐市排成寶馬逐以鈿車將城連理之
枝待作同心之縷知衆香國裏喃喃定訴將離
恐羣玉山中緩緩還成躑躅謹馳鳳東預設鶯
紗所冀解佩褰裳即下三清之駕透莫采藍盈
剡空勞天日之詹謹啟

謝廉明府啟

蓋聞器無大小用取其宜物有性情從中以類故
田文食客不棄雞鳴燕昭築臺爰取駿骨凡所以
(殊)致尤招絕足也臺傳校微材衡茅下士少無適
佐之韻長鮮雷路之知自邑侯查少蓮夫子調繁
來平下采臚言拔為龍湖山長濫等食祿八年於
茲今老父臺以賈董之鴻儒播壘黃之雅化下車
之初臺投刺入謁輒蒙矜寵傾襟之餘賜以鉅
製清詞妙句嶽絕彪炳固文章之圭臬多士之準

罵黨講

繩也舉月初旬復承嘉宴華燈既張蘭有羅列羽
 爵飛騰二八迷秦夜飲厭厭載詠樂胥臺也不才
 課膺虛左露玉觴之餘遷奉君子之末光盼昧成
 歸實出非望不圖歡讌方終譖言遽入仇人下石
 得更甘心邊韶來便腹之嘲陰鳳致剝衣之誚與世
 何爭宮忽臨乎磨蝎厥性好罵人盡化為山膏命
 也何如躬自悼矣迺蒙左右觀過於虎薄怒不形
 延主請席厚其脰脩方之止諤食以駉駉雪讒
 投之璧玉古人盛德何以加茲特是臺也壯心未已

秋髮早生東隅已失西泥難追雖博平原養士之懿
 而無毛遂燿穎之才深荷龐公折節之雅殊少任棠
 可述之語謀承安邑猪肝之惠而無仲叔清譚之
 助思重心駭且感且慚計惟是宣字子鳴琴之治
 體文翁勸學之心播之風謠書于縣譜與三父老
 扶杖以觀德化之成而已謹擷蕪詞聊鳴謝悃不
 勝惶慙屏營之至

快 槩

項次槩鼓棹問津園徵詩啟

項君次槩逸氣凌霞澄懷擬月王夷甫手爭塵色
荀令君衣畫香薰玉樹珠林自屬風塵外物廉泉
讓水何殊濠濮閒情畫師為作鼓棹問津園則見
黠光澄鏡山翠開屏瀟蘆槩於潭心如聞欵乃倒
絳雲於水底全濕胭脂君以慘綠之韶年倚小紅
之畫舫呼之歆出快哉斯遊或謂士貴振奇書多
難信讀馬遷之史則方壺負嶠事同毛卵鉤鬣按
伯益之經則鳳舞鸞歌詭本子虛鳥有不知選情

靈柩

既暢靈旣自甄故國有華胥海名歡喜卿雲麗月
性天之醞釀既深碧柩紅芝心地之滋培不少此中
語云不足為外人道也爰披圖而抃舞復即景而
低徊聊俶掉歌先為嗶引不似花窺人面有勞雀
護題詩欲疑路入天台還待興公作賦詩曰武陵
漁郎去已久武陵桃花笑殺人洞天寶窈石扇閉
誰歎鼓枻重問津夫君神骨迥絕偏詩裡情懷畫
裡身鑿空重來千載後搜來得路三生因嗟余漸
勝獨無具頻年斃繫龍湖濱峯頭復畏趙盾日時

殺奇

鳳

秋暑未
平故云障向莫避元規塵九鳳咫尺不得上何況
仙都縹緲板地萬仞高嶙峋鄂君青翰知難附向
平夙願何時伸會須一踐名山約託取仙源三月春

通

停琴佇月圖小照徵詩啟

僕聞景風麗月非幽人不識其佳流水高山惟靜
者能領其趣以惠子所以援梧而憇青蓮所以把
盞而邀也金君珠淵人堪絲繡命協金星逸氣高
騫特傳神於毫楮雲襟淡寫爰寓意於丹青常見
沖魄未升雲和斜抱爬沙停大蟹之行徘徊待老
蟾之出渺渺兮彼美飄飄乎欲仙心有天遊個乎
遠矣惟是琴為知音而鼓士緣相得益彰與為孤
絃之張曷若同聲之和所願文苑學士儒林丈人

惠以瑶章傳為佳話將見郢人曲好鏗鏘多白雪
之篇庶幾平子愁消於寵拜綺琴之贈謹啟

馨烈軒跋

竊謂物存標格人有性情故合詵黃花惟彭澤克
稱石隱詩歌萊竹獨瑯琊不愧名流相得益彰豈
其然矣吾鄉方赤銘先生集前作服譜魏犀乃
編積為籬門臨綠水風漪皺月更深猶聽漁歌翠
柳鳴蟬釣罷常藏鴨嘴雖朝水滄連武陵窈窕茂
以加矣爰乃闢芳迥構華軒傲拜石之元章學紱
蘭於屈子風迴欄角遙開則桐席都冷雨捲簾鉤
客到則鬢眉盡綠媿舍一總世愛君倚翠娟娟

娟芬傲

一
梨發雙葩馨烈侯同心脉脉斯真清供足愜雅
懷臺也譚共班荆遊曾藉卉願惟條之長續為
嘉樹之請封庶定近羅倉幸芳菲之相送交締謝
覽期佩德之勿諼云爾

叙樂軒匾跋

蓋聞聲以同應物以類從故彫虎嘯而各風生元
鶴鳴而宵露降况乎敦有裕於天倘樂無尤於同
室者耶霽園夏先生鳳隱心遐錫飛詎駕王曇
首之高曠祇癖藏書池椎茶之友于時聞攜手爾
乃鄉名八美屋列三楹檻傍水而春移山當牕而
翠滴簾陰樹碧安排何氏琴樽絃語蒼紅消受
畫家在樹賞心未已佳趣偏饒燕銀葉以挑香
挹金壺而試墨伯歌仲舞詞魏聯珠三筆六詩堂

燈

傳蔓草兄弟孔懷宜其然乎所冀行已有必踐之
繩潛脩無或息之版田荆益茂實桂齊芳他時賦
就北征宦成西笑芙蓉鏡兆同登燒尾之筵索
棗碑刊並耀鳴珂之里

○ 襲芳軒匾跋

筠畦潘先生築室三楹種花萬樹楮元章之奇石
闕庾信之小園葉池露而紅於蕉歌風而翠譚每
當春醪夕撫秋琴畫張或呼遠契實或攜屐幽尋
山公側帽之遊水監峨松之翹細簾捲處濃陰綠
到鬚眉鏗檻凭時香氣全沾襟袖按深深之麗曲
歌采采於風人情在於斯伊可懷也領茲臭味君
當佩以芳蘭是謂德馨我欲貽之瑶草

飲

馨逸軒跋

聞之蟬嘯琳木離埃壒而懷清蓮舒綠波出汗泥
 而不滓故德馨者比玉氣逸者軒霞準此以求世
 難其選小瀛吳君宰者蕙圃擷秀葩壇糸佐三
 間度圖書於東解池塘半畝徵詩葺於西堂寒雨
 連床尚曳姜家布被明燈隔院時聞仲氏篋聲
 式相好矣宜其然乎况以慘綠之華年得如賓
 之佳偶清風扇於林下玉綴映於閨中詩咏素琴
 琴同心而協德香桃沉水揮一氣於雙烟以又士女之聲香聞

修

莊妹之逸韻已竊聞彫牆述誠於夏書密石垂歲
於晉語匪宅是卜惟居之安所冀佳人信修君子
安雅熏德於善良之地架才於俊逸之區味若醇
醪金蘭譜言神清沆瀣瑶想壁邀則山彫木磬
作室不尤于向成竹屏者浦承家克紹乎隱之美
斯傳焉是所望也

盥微齋跋

夫殷勤者好麗德芳者佩蘭是故栝為木奴以李
衡而誌美菊為壽客緣元亮而名垂懷德為馨重
其然矣吾鄉宋侯陳君製芟為衣集荷作服闢仲
蔚之三徑構蘭成之小園則見羣芳笑日衆艷同
風雖素馨成帷都蔗為鄉不是過也况乎膝下佳
兒已知讀若階上猶子早識之無才辭撤俎之嬉
同課瀉瓶之誦宜乎花閨官樣瑞應星文不啻園
徵金帶香翻紅葉之階佇看步入玉堂坐對紫薇

橘

歸

之署可懷也。不其懿歟。獨僕也。流連山水。惆悵人琴。席布坐花。康樂之詠歌已矣。堂名夢草。阿連之意氣巍然。時哲兄茶譬習鑿齒之重到襄陽。如曹吉利之再來鄴下。履綦未沫。歲月都非。余獨何心能無悞。嗚呼。幸荀家子弟人盡如龍。嵇氏門庭若無題鳳。武陵溪口。時維漁父之舟。淮海樓頭。或下故人之榻。願芳菲之相送。長續歡條。尚紉佩而勿謾。請封嘉樹。

王筠園茂才與其友漢槎黃君茶話圖跋

夫樂莫樂於山水之遊。難莫難於朋簪之盍。而或停雲相望。良覲久虛。咒金輪而不靈。書魚腹而終滅。踽踽獨行。鬱鬱何極。此西風所以興林蒂之悲。南浦所以動春波之慨也。若筠園王君。其不然耶。君與豐山漢槎文學人。如連璧交。若飲醇雅量。過人黃叔度。汪洋莫測。仙姿拔俗。王景文。嘯嘏都佳。洵乎士魏無雙。門稱第一。已外史次山。躋之為作。以圖第見。倚山。髡披綺闥。陳酒頌品。茶經與松石。

魚

豐

而為朋耽烟霞而獨浪飄飄然脫落塵埃之外放
懷宇宙之間雖袁謝之欵欵尹班之陶陶何以加
茲若僕也春華逝波秋髮已白童年笑伴散若晨
星壯歲知交半悲宿草既論古今寔應將呼今
兮誰聽方得載攀嵇之酒移訪戴之舟往往之
遊風乎其間相與鋪莎面為文裊折松枝為塵
尾呼鄰友為小友與有榮施聽衛玠之清言還
應絕倒

○ 王穗生月下觀瀾園跋

先生余故人也居近鰲江歲司鳩羽齋營十坊隱
一廛每閉戶以養和為留賓而置驛君卿門市雨
霏徒者之衣士行墻低時過隣人之酒不圍今日有以
高風丙午歲余於役古鰲以萍水之逢結蒼苔之
好登堂拱手歡若平生主人於是設綺食具蘭肴
飛河朔之清觴酌中山之醇醴陶家通子解荷籃
輿荀氏慈明能持杯罍危言弥治茶話偏長席
闌手斯圖出示則見澄江千里皓魄一輪月漾水以

流光水含漪而駛月靜聽村歌漁笛響又層霄
遠看煙艇雲飄光搖玉宇席鷗沙而聘目臨鳧渚
以相羊霞思海懷侗乎遠矣夫家家團扇畫
畫放翁處處屏風都描白傅佳士同樂為寫真尋
常不遺夫行路彼士紳其名馳僧其行者猶復課
附清流圖形繚素何況財輕策籜利取錐刀慕
少伯之游河鑿金可事等平原之好客絲繡何嫌僕
心悵古道之已湮幸典型之猶在披圖色喜敢祓
歸以烟毫對照神飛擬品題於月旦他日枯筇三

尺不惜一雙懷彼美於一方泝伊人於中泚相與唱
大江之曲歌窈窕之章樂且無央敢忘息壤

溫

飲

公

如

寫

荆山真君廟祈夢疏

恭維真君丹成九轉鳥振重霄與天為徒神遊物
 表將心作鏡明炳幾先鑿觀無藉於著括衷牖
 敢希夫筮告臺橫陽末學昆嶺微儒生有祥徵素
 然見象材偏凡碌黃卷無靈加以庭訓長違故園
 已徙媿相如家徒壁立等史雲甄歆塵生歲歲
 吹等朝朝彈缺十年不字開奩猶畫眉痕半世
 紅人舍稽竟忘草宅逆乃棘園屢絀席帽難離
 棄而疎來笑于鬼而口眾上蘇還歆上望懸布以心

靈

驚茲則桂植將華槐黃逼眼既怯若囊羞澁仍
憐腹筍空虛跡似疑狐惑同首鼠止則時乎不再
一生之祿養何時行則遊即有方兩月之庭間久倚
欵楮疑而無自爰撫首以陳詞伏惟瑞覆仙雲明
懸日月憐茲愚昧賜以靈籤倘軫北終羞且息
觀老之志若圖南幸遂敢辭跋履之勞何去何
從孰得孰失仰祈丙照曷勝寅瞻

追薦闔族宗親疏

竊以逝者如斯先哲抱人琴之感游魂為變義經
垂革渙之文義匪始今禮隆往古矣我上黨郡居
近落江里名茨浦高曾以降幾箇晨星兄弟匪
他半傷宿草嗟蕭森於楊冢巾蕪沒於鄭鄉又
况母氏之親甥多類舅滑陽之誼恩豈忘心而
乃生存華屋零落山邱環翠齋前樽空北海鳳
嵐軒外門似西州目思惟食忘憂恐地下山無飯
顆即或無酒酌我料泉臺人少當鑪是用心酸曷

一
珠泪下爰乃勤求白足廣集黃冠建清淨幢渡
慈悲筏法鼓鳴而天花落元霜搗而甘露飛將見
菰米化成積作堆盤之玉紙錢飛去鋪來布地之
金所冀鶴馭降靈驚驂小駐幸羣靈之雜還
成大會之無遮是所願也敢佈微忱是為短引

追薦先妣暨先室王孺人疏

竊聞太白降真慧業猶稱金粟香山學佛蓬壺
早築仙龕固知緇黃之號雖殊而救世之心一也如
謂方壺負嶠悉屬荒唐忍草悲花都成幻景將
何以填無涯之恨海補有憾之情天耶臺念自乾
蔭長遠夢儀歛恨讀樞書而悵悵悼庭訓之長湮
未幾而炊白鷺心折馭兆萋卞洒鼻魚之泪旋傷
奉倩之神遭家難之類仍奉慈親而三徙柳塘
僦屋橫浦移居幸北堂之萱榮忘西山之日薄霞

惡
恩

觴甫晉鳥使俄來
母氏以戊寅年五月初十日
祝延于九月二十日棄養嗚呼悲
哉時也鵲少安巢燕飛覓壘南轅趣駕北顧懷
懷江水茫茫游子牽愁之處遙村暖暖先人遺魄
之鄉此臺之所以掩地而椎心籲天而屑涕者也回
憶韶年捧杖梓里承顏肯構非才偏勞辟咤寤
生不惡翻悟思勤至若午夜牛衣十年鴻業濕薪
泪下託往日之烹雌破鏡心酸慘離絃於別鶴
啜其泣矣傷如之何吁嗟哉恩辜罔極德愧刑于
念毛生捧檄之歡於今已矣感高柔愛賢之事

是用潜然所賴佛法慈悲真靈解脫甘露零而
仙雲覆青鸞迺而元鶴迎擲麻姑手裏丹砂雨
護世城中美饌度幾享華嚴之富貴化宮闕為金
銀白素琅來神遊崑圃紅蓮乘去國是衆香知
成佛生天謝氏之言不妄拍魂剪紙離經之語非
誣願以蟻螻之微誠祈明靈之昭鑒有如雨望
無任雲瞻

揆雲靈

○ 翁藍田學博六十壽序

今使高尋必雲景仰企必玉賓則三千歲之金桃
堪供大嚼五百年之銅狄一任摩挲豈不且肝歸藍田
揆張霞訣然而雲仙雜錄總屬荒唐真諾靈篇
殊多恍惚方士之言識者嗤之若夫儒者以道得民
君子多文為富種福草瓊花於心地養光風霽
月於性天雅樂歌詩不帶羲皇以上櫺皇環壁何
殊濠濮之間陶陶乎遂遂乎自可伴儒童之菩薩
為陸地之偃佺則有如 藍田老夫子者五雲著

姓大桂精苗命入金星能知音巢胸無城府莫測
高深方唾咳而成文珠傾萬斛驚腸胃之映日花
開九英比秦博士而無慚喜魯(先)靈之猶在高掌
遠躡愛乎尚已今夫珍木千尋不植根於培塿帶
河九曲必復源於崑崙側聞太夫子養和艾水匿
彩桐江假買藥於叔元慕垂竿於嚴子以旭厯
銳銀之學兼文通武達之才于是教遺一經門興
七業伯霜伴雪銜歌采藻之章銀湔金鳴共擅凌
雲之華家之慶也國之華也而先生以玉樹之三株

備龍文之五采業處囊而腕穎乃出手而得盧以
嘉慶元年登孝廉之選召考二等以教職用越道
光五年來平先是學署內有尊經閣暨官祠久而
陵剝先生見而惻然曰建祠以表忠也稟經以製
式也將化民而成俗敢遷垣而錯愕乎爰傾私橐
更而新之甃不裂於百人功遂成於一簣俾嗜古
者慎堪乎蘭潛綴學者游心於竹素洵作人之嚆
矢教術之初恍已加以帳列扶風庭多立雪循循
善誘驛傳警世之心翬翬竭思麓寓牖民之意

枕

哀哀

遂使名流渡海盡諸孫松太學看碑都師郭泰詩
云豈弟君子令德來教先生有為獨是黃榜看人
青氈還我諸公衣衣臺有爭登暇豫吾吾水衝獨
冷人將謂桓譚不巢平子多愁先生則蜜爾自堪
適然安雅有童冠偕遊之巢無裸程或浼之心每
當時鳥變聲襟花生樹紫芝庭畔曲度小紅黃幾
舫中杯浮大白風松響而瑤想生海月高而么絃
諸慄當以慨巢也何如而又鄭虔之才堪稱三絕楫
揮之技足了十人抄陸贄之方書功逾菊水探長

程變

桑之秘者術妙桐君以又雲仙狡獪之一端才士
多能之餘緒已或者謂詩稱童殺禮謹捷鱧倘非
儼若其容難叶威如之吉合先生苟有五經庭無
二物匡鼎多解頤之論米雲少折角之設似若王
濛性通太邱道廣矣而不知博喻為師夏楚必先
以琴瑟也大學始教藏脩不廢乎息游也况乎清
不濁而澄不清員其缸而方其裏馬融之室能入
者惟戴崇一人江敷之牀必殺者為僧真諸輩以
非網直其德殷勤其心者能若是乎夫求福貴乎

靈

不回守道于為養壽以故賢文呈瑞奇穎獲翹
王氏散懷無如子鄭元家學復見小同雖故劍
難求白髮愁添騎省而神膠可續絳紗重拜宣文
倚歎休哉茲歲十月五日為先生天旬覽揆之辰
諸門士為諏日筵賓預慶於庭祀也維時月軌
青陸日纏胃維砌芍園金堂開畫錦庭梧挂鳳屏
廠晨霞爰以多士之絃歌為賓雲之羽奏以漢臣
之苜蓿當葛井之丹砂以冬夏之詩書代靈飛之
篇目茂林脩竹擬高會於蘭亭小扇輕衫召詞仙于

簫

桂席濟濟為贊豈為莫不躋堂而騰爵避席而擇
言所冀方壽倜佻比齡旗翼初櫻晚菊永留三月
餘春穠李緋莢常為百花作主興言及此且無央
而臺也未獲躋堂有懷勝爵請倚聲於饒撥唱
大江東去之詞聊馮意於紅簫譜元鶴南飛之曲

竈

金台南先生七十號小隱序

先生學本帝軒經傳傳巨意丹砂竈畔草種三花白
 石灘邊蘿編六枳爾乃唱迷陽之曲歌招隱之詩
 斗室養和醉倒樽中綠醕尺蓬高臥飽看雨後青
 山可謂風月之福人虛虛之學士已加以元龍之
 豪氣猶新靖節之間情不淺聞歌按拍燈紅絃
 語之宵訪舊尋春草長鶯嬌之地老當益壯樂且
 無央昔董奉仙姿遍植匡山之杏韓康高蹈曾垂
 東海之簾方之古人何多讓焉某等或交聯井白

祝

竈

蹈

或
戚係葭草促膝談深危言屢飲打頭小拇戰常
邀客到桃源洞裏之乾坤自別棊看橘叟壺中之
歲月偏賒茲當皇覽之初竊忝賓筵之末同絳人
之書亥願言祝以大年繼商皓以如是是用推為
小隱

○ 王浚如先生進猷八十壽序

夫風霆震礪而嵩嶽不墜其高鱗羽飛潛而龍鳶
獨呈其瑞大抵神凝者氣厚性定者天全故啟期
帶索以延年丹豹養和以難老雖動靜之趣異實
徵應之道同也若是者我於浚如先生見之矣先
生魯國靈光商顏用里擅青箱之家學為鳥巷之
名流采菽中原知為善之最樂滋蘭九畹覺余情
之信芳史遷所謂守道養壽意在斯乎嘉慶二十
五年為先生八十誕辰有以祝延屬余者余不以

敏辭既而曰李野四時之氣非皮相能窺也叔度
千頃之波惟目擊始確也臺以葭葦之戚通孔李
之交十載於茲矣然則託觴詠之綢繆馬襟懷之
浩蕩切人不媚舍我其誰先生流譽簡辰振奇綺
歲冬學儲而已足林駕授而彌勤固已禿白鬼之
千毫避黃鸝之三請矣雖析薪有待於負荷漂麥
無取乎專愚以家政之殷繁輟書城之坐擁然庭
誥之遺猶佩楯書之授難忘邨氏韶年萬卷已晒
於腹伏生晚歲遺經可探之喉其刻勵有如此者

天爵既尊人倫尤篤萊子騰懼於戲綵廣微馬志
於循陔以至板輿御而觴飛畫扇悲而社罷思既隆
於一本爰乃及於連枝弟見屋列東西山分大小湘簾
啟而月白公絃響而燈紅敷棗華具週之情墳篋
並秦悟甘蔗旁生之義嫡庶無猜被后姜家樓聽
甕江之雨履携謝客山披荆岫之雲陶陶乎穆穆
乎其至性有如此者而且書讀活人功能濟物軒
光竈好度人輒起膏肓上池水清入咽能消癥結
夫活翁已去空懸針砭之經盧氏云暹莫問刀圭

之訣願能不乞靈於丹笈借助於青囊而技以神
術等上醫之治國學由意造常觸手而生春其藝
術有如此者所居為西橋綠波常繞砌而流翠羽
每衝花而至薜蘿在眼賦君子之似芋魚鳥來親
泝伊人兮宛在每當錦雨春霽羅雲林舒相與即
景陶嘉呼朋契賞摩詰得圓蕉之趣中即暢愛竹
之情亦既樂極人天境疑仙佛而乃上善若水羞擊
慨而不為至信辟金處脂膏而不潤却子思之銀
佩則墨氏失其錦衣飽采玉之露茶則何曾慚

晦

窮

其鼎食其淳朴有如此者今夫鄧林之野非十晦
之陰也雲明之臺非數椽之庇也先生游心於和
與物同泰活枯魚於涸輒縱寫鳥於福林勞人有
必濟之車禍女無或晚之酒其仁惠有如此者宜
乎程慶在躬克融世詰瓊芝芬於庭側玉樹茁於
座隅蘭為而子桐復生孫洵閭里之休徵抑昇平
之人瑞也茲則會啟龍華曲聞鳳吹黎收而拜阜
看益壽花開稱媿而前共祝長生菓結合攜玉杖
蒼者山九老之筵佇百蒲輪踐漢室五更之席

欣

心

○ 方赤銘明經五十壽序

歲在大淵獻之孟春余以事過上江晤 赤銘方

先生於馨烈軒華燈既張古懽彌洽舉芳蘭而

崇佩綠陰以眠琴才語蟬媽神情鶴立坐延平之

秋月皎兮可懷披茂叔之光風冷然甚善竄以煬

和挹德上士之天已全渚素陶元仁者之徵必壽矣

判襜以後閱數月方知是歲陽月為先生覽揆

之辰同人祝延者來謀嚶引於余余謂奏賓雲

曲晉經山樾誦靈飛經非不足侑康爵也誕如之何

後 玄

柏頌松評眼花耳熱帝醉金迷非不足介曼壽也
後如之何僕不二側艷之詞挾張之語請以素所
歛挹者臚陳之先生年如揚縮辨燈盞之四聲慧
若王恂識風丁於三歲般磨振采荆玉開瑩又何
難聲萬一鬢名高三舍徒以慕儀志悼紹歌采藻
之章遂乃盤吞閒昼自寫循陔之樂門庭之內怡
怡如也嘉慶 年始援例入貢成均其聲揮綽
其名高明將進荆而用船乃登山而屢躑一肩行
李頻年忙踏槐花育菴糧遠道常攜席帽踈昌之

軒
律不采姬娃之髦誰珎則有楊霽菴太令者以傾
襟之雅竭慕士之誠拔取其尤哀然首舉柯亭竹
美中郎見而賞心流水絃揮鍾期聞而動色鴻文
無範鳳德有朋亮哉且夫通經所貴乎致用好學
無取乎專愚苟為鄙儒終慚都士先生八斗量才
三長鑄史或金針以度巧或木鐸以葭蒙或染翰
而書裙或手談而坐隱魯展氏之涖盟信孚敵國
陳孺子之宰肉歆治鄉閭問復秘探青囊經師
素問造轉光之竈剖太乙之丹書可活人肱無事乎

三折石其生我垣早洞於一方洵乎風流人豪自成
馨逸者矣獨是麟鳳其采者或量少恢台模績其
身者或中多畦畛先生則又名高八及誼重三君塘
紫魚鱗障水而民無鳧沒諸遺玉枕療饑而野息
鴻磬昔召信起譽於築堤長孺垂聲於持節仁
之術也又何加焉所尤難者平矩有門十有餘里
青雲路遠誰為着翅之人白望家寒或打回帆之
鼓先生謂南園之不力將西笑之無期爰為將伯
之呼翕羽之助以雲程之資斧作月窟之階梯以

蠟

九府之泉刀佐三物之選舉從以桐君巷口蜡屐
爭過屐子灘頭短篷共泛使孤進副還丹之願而
高壩收射隼之功惠我無私豈其然矣方今六合
均禧——一人錫福露布傳而攬搶落黃星出而
壽木生垂花托鳥之鄉共沐膏而咏澤橫目冒
之族咸吐氣而含和况乎松茂方廣艾黻乍屆玉
樹敷榮於蘭砌銅盤饋食於竹林樂事方多來晨
未暮雖科名草茁尚有待於明年而旌節花繁已
呈祥於以日倚歎休哉臺等戚以藩楊交通嵇阮

形

係

一粟軒文集卷四
三
挹雲壘之誼古爰揭荒言卜禪善之天長聊為小
引無事支干隱語晉名卿疑絳老之年還期然竹
陶情謝太傅為蒼生而起

補祝上舍王崑圃琛四十序

夫西戎者天之奧府而大人以六合為家百齡者壽
之大齊而君子有萬年之頌是豈必換張遊篆脩
裸曼詞量海水以添壽與阮移而比箕乎良以有
涯者壽不朽者名士有握瑾瑜佩蘅芷芬惠春
及芽稱藻流者固不必携鳩鑄玉始號耆英詞
雀徵環才推眉壽也若是者吾於王君崑圃得之
焉君字南金別號鰲江釣徒余門士也年方蠟、
優
鳳譽擅龍嘯葉成吟已蜚聲於學市架花吐論

早播譽於詞壇，倣謂登聲昂霄，直指顧間事耳。而乃樊榭之鳥不鳴，澠池之羽屢墜，琴堂校士，薛瑩屋四立之間，棘院掄才員兆，斯半千之賞在他，人必且知難而退，舍業而嬉矣。君獨忘懷得失，不廢嘯歌，方且購奇書，羅絕藝，玉斂檀几，香薰曹氏之倉，錦軸琅函，字榜崔儵之室，心已嘔而不已，掌以焯而彌劬，非好學深思，義心清尚者，能臻此耶？君伯父立齋先生，獨器重之，撫為已子，揀王家之珠樹，^數三枝饋楊氏之銅盤，別為一室，其時君猶

豐 珍

未壯也，而以四隗八達之才，荷肯構塗丹之任，理精積著，書讀計然，菊茂陶園，幸克家之有子，蘭馨東賦，常洗腆以承歡，至孝安親，又何憾焉。然而桓公以宿義為嫌，子夏以礫仁為恥，倘使聚而不散，則障麗者陋矣，歛以自豐，則懸棧者庸矣。豈知抱排惻之心，懷醇覽之德，災弥無虞，為辟惡神香之製，叔荒有策，采齊氏要術之書，以至成梁方義於君，謨埋骸希風於廣漠，財已輕於簞，犢義自重乎嵩衡，其尤異者，平距有門十有餘里，賓興之歲，東

一

三

愧

裝非易或議醖金之助為勸駕之方君聞之躍然
曰是義舉也請自媿始已而傾囊授之無難色揮
之如土不殊管氏之虛許之於心竟脫延陵之劍
其急於踐言不苟然諾若此况漫恣情高曠伋昔
遥深近市何妨塵雖飛而不到臨流足樂釣可惜
以習恭每當金然曉光珠點夕露詠棹齋畔亞字
闌凭嘯竹軒前五色簾展或當枰而算弄或捉麈
而談元立筆諸情生興到則一篇跳出酒酣耳熱客
來則三雅橫飛以又韻士之履綦高人之佩度矣

梅

葵未歲為君攬揆之長時以家政殷繁乞言之典
猶稽迨茲歲孟春嗣君葆初始屬予補祝之余不
得辭也猶憶江市張燈之處花街選勝之宵等傾
蓋於程生詩歌邂逅恍緝交於謝覽味少差池方
贈縞之初通已買然而欲繡夫何來移家而僦屋
君負笈以從遊絃水風清時時攜履荆山月朗處
處搗裳則有桂館蟾娟蘿溪窈窕鏘風泉於石腹
落山果於窻凹雲木垂陰蟬嘶夕照池波縹碧魚
閃殘霞於時盍朋簪展良觀清言彌綺瑤想時生

山顛

畫譜詩牌遊息圖書之府茶棹酒幔放懷山水之
 寓歡攜幾何旋告離索乃者龍華之會已終香火
 之緣誰續人無伍儻世少雙南矣羅賓雲悵武夷
 之已遠春生芳草怨王孫之不味乙酉君赴省垣
應試以疾殉於
 邸而以垂白之鬢毛過烏衣之家巷驚聞橫笛
 息切山陽余獨何心能無悽咽所幸楹書如故庭
 訓猶新子可克家信蘇公之事足孫能捧硯卜范
 氏之後昌物何微而弗臻福如川之方至壽者酬
 也斯之謂矣取臚陳其端末爰被飾以烟毫定
 知德動九乾世世種音聲之樹從以慶流奕世年
 耳開旌節之花

溫如

方母徐太安人八旬壽序

古來家聲高矣端資相室之賢世系蟬媯必藉興
 門之母以故歐家畫荻永叔賴以知名陶母延賓
 士行因而克顯良以木茂者枝榮源深者流遠美
 意延年脩德獲報非偶然也若是者吾於方母徐
 太安人見之矣星樵先生之慈親繩齋封翁之德
 配也駒王華胄燕閣名姝裁者若之篇長不煩
 乎姆教叙幽蘭之佩知已孀為女師既而擇配丁
 年^于味甲族入室知為祥女登堂而曲唱思姑朱夢

一 東坡文集卷四

三

修

白華馨潔詠廣微之句香纓紛悅雍容備內則之儀而且執頓擢之役以服勞覓皆城之方以娛老抑撫無違乎左右溫清常稟於朝昏以至孝泉注而草乃忘憂爰日長而花真益壽其事姑有如此者若夫賢標極斛美贊藁砧比德同心雙烟一氣或挑香而伴讀或並坐而抽觴或握濟冲之壽米鹽代計或奔運期之案井白躬操繩菴封翁于是慕借隱之風篤爰賢之意每下牀而答拜或噓背而分涼攬鏡執扇艷秦嘉之問答傳琴習曲

樂徐排之唱隨其相夫有如此者止何而義日俄傾媧天莫補白頭嗟罷黃鵠歌來悲如之何啜其泣矣願猶能傳遺經於韋幔母可為師出散帙於齊樞養而兼教迨哲嗣於道光戊子年援例授布政司理問職名列朝紳迺一思光於北闕榮膺官誥騰瑞霽於南陔于是致安仁之上壽躬御板輿希樊重之撫親大開瑞室山隣雁宕落金翠之千重水接龍淵睇睛漪於九曲扶栽松菊能開垂暮之顏料理雲烟自得散仙之福太安人則履豐若

萬

素每淡視乎芬華居恭不驕獨澄心於花水貝葉
繙而誠珠挂麝愷禮而塵垢離功德海中覆物作
慈雲之蔭善提樹下濟人開甘露之門時典珥以行
仁陳道與成梁並舉或抽簪市義壺娘偕佻飯均
施所謂福與慧兼德隨年進者歟乃者義文畫泰
鳳紀書元當八旬攬揆之期怡萬物棣通之會共
百花之生日舞五色之斑衣膝下散懷人推平子階
前捧硯祖繼范倚一庭之上融融怡怡如也臺等心
儀淑範目擊柔嘉寸念遙馳一言恭介所冀女貞

樹固千春流彤管之輝還看長樂花開百歲啟紅
雲之宴

溫如

○ 潘玉亭先生七十壽序

夫樊榭聽羣鳥之鳴而長離之翔千仞韋曲絢三
 春之景而大椿之壽億齡何哉大抵敦龐之氣之
 稟於天者殊昭曠之神之凝於性者固也求其脩道
 獲報靈貺自甄者吾友玉亭足當之矣是歲季冬
 哉生明后三日為先生攬揆之辰其女倩葉成才乞
 言於余余與先生學同術生同鄉一曲停雲梓里鈞
 遊之地卅年舊雨布衣杵臼之交猶憶褰裳鳳
 嶺弭節鹿城或佇楫而風咨或停杯而月話或

祝

為

尋僧於竹院或訪舊於蘭阿筑响情生側帽斜
簪而往酒酣耳熱呼盧喝雉之場方其殷勤好麗
忍後不桀賞才子為良知嗟儒書為寡效頗隣
儻葛難律縮繩而曲逆微時門外車多長者孝
侯少日臺邊人聽書聲梓里為之傾心良朋聞而
刮目洵乎大雅之惜惜迥異阿蒙之碌碌者矣嘉
慶戊午年始受知於學使阮芸臺先生補博士
弟子休源為後生之準員兆推命世之英方期健
翮能搖強臺直上而乃相如善賦未擁高軒袁氏

鳥

為儒尚淹匿里譬豫章七日自足凌雲而大鳥三年
徒悲落羽時命舛予疇其測之夫以屈為伸者義文之
旨也以退為進者道德之遺也故圍馬以不乘而壽
走麝以遺香而存向使朝多振鷺遠少漸鴻士盡
青雲占無素履帝室明揚巢父應伊耆之百漢
廷師濟嚴光乘侯霸之車馮唐奮跡於童牙劉
蕢對策而高第又何以見造化之神奇兩儀之奪
潤乎先生知其然也遂乃唱迷陽歌拒隱辭晏
嬰之故宅買李雅之芳隣湖亭龍崗溪如罨畫

綠楊深處當門時繫漁舟紅藕開時把釣雅宜鴨
嘴抗志雲霞以上置身廉讓之間亦祇謂澹泊以
引年優游以娛老已耳豈知方山子之精悍猶存魯仲
連之義聲宏集每解推以樹善排難以解紛且也宗
初建而俎豆馨香文社營而賢才育行李供則士副
觀音之願陂塘築則人無旱澇之勞兼之指子敬
之困則積而能散執侯嬴之轡則謙而彌光陽陸
君所云做人不德不責者先生之謂矣茲值佳申
之月爰脩介爵之儀時則祥風扇物淑氣盪春仙

樂奏以鏗鏘金屏開而璀璨則見階翔曦鳳庭躍
船騰賢昆樹秀於芹宮哲弟蜚聲於槐市挽鬚繞
膝有王瑜諸孫射雀乘鸞得延明快壻而且推思
猶子樂極人偏解已佩之香囊種叢生之玉樹倚
歎盛哉茂以加矣也目擊休徵心儀道範羨鹿
車之並挽卜糜壽之無疆應知比秩張蒼方齡
羅結三千歲蟠桃熟後重看北海開樽五百年銅
狄摩來長為東坡作主

臺

○ 鄧玉堂少府八十壽序

聞之斟元之世飲其和者莫亦綿大順之朝沐其膏
者福自應方今——一人有慶萬物同春朝多康強
碩艾之臣下有黃髮龐眉之彥類皆丹魚在藻翠
鳳含綵若夫北山采杞賢勞久播風謠而南國留
棠令甲可書縣譜季智鳶游枳棘子真尉亦神仙
則有如吾邑少府——鄧玉堂先生者玳瑁家聲琳瑯
世胄生而穎異長更崖崑潤古雕今賦有凌雲之
氣高掌遠躡心懸捧日之樓嘗從其——尊人

遠宦鄙城借業牘為楹書本官歲為庭誥偕元
方以奉杖同長公之待琴詭者謂三步知方片言折
獄也時政聲清勁已摩基於以矣無何伯霜仲雪
同懷適悵人琴乾蔭庭護堂上旋悲此岫慮析
薪之莫荷將孤劍今誰憐於是王壽焚書望長
安而西笑班超投筆借計車而北征訪衡水之花封
昭琴堂之大謝阿干唱罷官燭同燃無殘羹冷炙
之嗟有兒唱弟隨之樂金臺日暮神馳市駿之場
碣石秋風心折拓賢之館壯懷如許逸氣高騫踰

年援工振例捐令職越九載分葭浙江奉檄巡查
台府諸海口時也伏莽有戎防秋匪易桃花洞口
偏多吐霧之妖中子山頭不乏探丸之客——先生
太阿在手新若蒺藜矧智珠當胸微無不燭田有三
狐之獲網推一面之間遂使青犢驚魂悉投戈而
下拜綠林餘孽齊匿跡而銷聲上官廉其能擢
為海寧縣丞嚴州經歷嗣是操鞭蘭渚弭節蓮
城罔不綵旆宣威鳴絃式化及其下車吾平桑梓來
而盜風息蘇珣至而獄用清塗傳還劍之風士恥

御

危冠之習公才公望斯愛斯傳向使早膺鶚薦得
遂鵬飛縮赤紫之符持便宜之節吾知卓魯可繼
聲於後龔黃難專美於前矣而乃參旗井鉞萬
里家懸黃綬青袍一官覲繫蒼蒼在髮覆撫遲
暮之危諸泐泐余懷觸鄉心之惻怛人之情也誰
其堪之然而榮悴者時也炎涼者遇也昔展禽
卑棲於柳下亭伯遠竄於海壖孟郊射鴨而無聲
斯立峨松而寄傲大都登神道岸回志元謀後笑
先咷知盈虛之有數德車乘銜厖罷辱而不驚况

孝

乎案舉齊眉年登大耋而且蘭為而子桐又生孫或
侍側于官齋或蜚聲于家弄人倫之盛何以加茲迺者
及瓜欲代贈与將離邑之播紳思為攀轅之留先
上華誕之祝禮也昔則朱律初調鮮雲未煥初櫻
晚筍呈物產之菁華絳節雲屏頌仙壽之衍曼
為臚陳其巔末敢肝飾以烟毫受方平之一符壽
胡可量迨陶潛之三徑樂且無央應知仲華之遺
澤孔長擅寵榮者數世豈獨江敷之風流不墜
紀作述于一家

祝

公

祝

鄧叔齋先生八十壽序

粵惟重光單闕之歲昌風扇物協氣扶春泰畫義
 經元書麟史時為鄧叔齋先生八十生長相車挽
 處桑弧偕歸悅俱懸菴菴備來柏酒與椒花並獻
 洞庭幃之采事大禹之祥徵也則有削詩緝頌之
 倫雪白蘭薰之士或依兼把袂成係朱陳或指水
 盟心交通孔李晉宜春之醜躋介社之堂不棄樗
 材屬為隍引余惟先生生而醇粹長多咫聞草翁
 風舅之辭紫綬青衫之對早已黉揚稚齒譽振鬢

齡既誦書悟方毅之文學禮得理財之灋謂謂當財
 慶舉衛端木自屬賢流乘韋而先鄭絃高何慚智
 士爰乃權子母操奇贏渭水雲茶侯封萬戶洞庭
 霜熟奴畜千頭鴻夷大夫之遊樊重君子之富光
 生有為乾隆五十三年援例授從九職劍出匣而
 光騰雖處囊而晚穎可以策仲華之杖搖祖述
 之鞭矣然而三旌之榮不如屠羊之肆也八駟之
 駕不如隱鳳之林也先生早築菟裘特開羊徑
 始則陸家西解機雲畧引乎東西繼則阮氏諸昆

貧富分無南北莫不龍鱗作瓦雁齒為階簾下字
 而玲瓏檻亞文而糾屈清風池館處處聞箏明
 月樓臺家家楸笛於是選勝家園含鮎瑞室一條
 即栗朝閱市而暮山林五領班衣左翔麟而右嘖鳳
 比傳餐於陸賈飲十日而方更等貽穀於韋賢授
 一經而名足倚歎家慶樂極人偏固知員嶠仙都
 不離家術華鬢天界即在人間也而先生方且澹
 泊為懷滿盈是誠擯綏山之桃而弗御却灵蜚之
 經而不誦減洗腆騰觚之貴為義將永仁粟之輸

一覽千言

四六

衡福德而砥平域。苦提而金布車。施廣柳澤及泉。
臺梁駕長虹。惠沾區里。非氣因大凝。道匡雅俗。
者能若是乎。既德厚而信。石宜機翔而殿。集樂
陽春之有脚。卜眉壽之無疆。慶溢一家澤。流千葉。
年年沐爵清陽。大極之泉。歲歲履端。寫黃玉綠
純之冊。

吳曉村司馬四十壽序

蓋聞二曜行而春秋序。萬境錯而豐吝殊。故緝老
塗泥傳支干之隱語。謝安終竹。寫哀怨於中年。若夫
書景方熙。福兼清艷。髮容未改。境入華鬢。更有香山
三秦無平子。四愁者。搜仇索偶。臻以為難。若吳
子曉村。司馬始其亞歟。君累世承華。韶年席厚。
衍延陵之華胄。紹左臺之令圖。士才非百里之才。自
堪展驥。李偉為一時之傑。不愧題輿。方謂鵬翮能
搖蜚。孤可拔。不難壻塵埃而上。征跨天下而無新。

元

焉然而捧檄之歡不若閒居之樂也三圭之貴不
如十畝之閒也君家隣瀛水依綠為園地接靈峰
團蕉作屋得少佳趣風月藉以坐設念昔先人魂
魄也應悉此幸數椽之可托慮三徑之就荒爰以
肯構之才肩塗丹之任疏清流而傍碣贊芳樹以交
簷鏤檻玲瓏惠子觀魚之地拳峰緞遠元章拜
石之區每當星初霧晚酒熟花時挂么鳳於桐梢
招清蟾于水向天機颺菱逸興遄飛雖王氏輞川
石家梓澤茂以加以柴也何如君以王溥彩服之

年江總黑頭之日笙吹華忒詩譜蘭陔暖慈竹
以春暉平安日報延壽萱於晚景吉慶花飛道光
庚寅冬為董母太孺人六秩生長時也春生隴樹月
在高藜聚楞嚴十種之仙為霓裳三疊之舞誦
王母靈飛之目陳南唐盤鑑之圖仙樂調而玉佩鏘
鴛鴦邨而麟脯擘帝醉金迷之趣眼花耳熱之場
濟濟乎將足躡乎洵龍華之高會梓里之休徵已然
君猶歎然而未足也謂鄭氏云藝得小同始有傳
經謝氏一壺非灵運誰為述德倘慈訓已承於葺

慢而遺書未盡於齊楹則先美於焉長湮芳風何
以永扇爾乃別蠹殘編拓逸陳竹出遺文於灰燼
登麗藻於選樓音容渺而接以聲歌乾蔭傾而壽
之梨棗遂使十年種樹播芳譽於詞壇廿載鋤
經留嘉惠於學海孝乎惟孝君其有焉今夫五
福備於箕疇厥惟好德三壽詳於中論端在行仁
自梟俊之風高而莊達之路失嗟讀書為風漢見
反移床效買絹之牙郎鄙同障麓大雅扶輪翩
其反矣君則仁者好俸富以其隣骨肉粲而不殊

鄉閭待以舉火或橋排雁齒或塘築魚鱗或金鑄
蒲牢或田施蘭若而且掩骼希聲於廣漢築陂比
義於倪寬勉多士以觀光則資其行李為翹才而
建館則助以錢刀其篤行深中皎皎如以而又置驛
留賓傾襟禮士挹仙風於鶴與車笠締盟招逸客
於鱸惟韋絃幽贊非殷勤其心醴粹其德者而
能幾此乎宜其滾滾致福簡簡者祥金鎖歲
豨伴逸妻於襄漢玉牒宵寤反人種於鮮卑把
帙倚肩戲問鴛鴦之字唾絨淺笑綉成蛺蝶之

之衣自屬蓮因何辭綺障延者寶艾既動緝祿
類裁指也焉降女床繼也鳳來丹穴荔枝挺出傳
是仙者甘蔗旁生爭推玉樹維家之慶亦國之華
勳乎鏘哉臺也詎亦末戚恭介一言祝張儀之千
秋俛周觴之五獻豈必高尋雲景渡江布畫扇
之風還期坐擁旌旄列駟耀鳴珂之里

懿

贊府莘田熊公五十壽序

養

蓋聞陰為蔭陽為揚結璘與鬱華並曜知者動仁
者靜黃河與太岱齊年二者殊途而同味豈古人
之欺我哉大抵養生之道德全者福備性定者神
凝故銘戒必恭夙夜有正華之術書稱無逸賢勞
亦養壽之方况當靈台〇〇偃伯之時行宦塗如遊戶
闔準率土皆臣之義雖外僚不異朝紳在昔方朔
歲星隱金門而索米王喬仙吏振鳧鳥而朝臺古
既有之今亦宜然有如莘田贊公者世澤蟬嫣家

靈臺

住蠶鳧之國聲華鳥奕居當廉讓之間相傳先世
有宦蜀者自星渚徙居於此遂繫籍焉公生而岐
嶷長尤憎定驂騶騁步氣凌玉壘之雲沙篆成文
腸澆錦江之水時則嚴君作宰遠蒞龍舒子駿從
官承歡燕寢以州書為度訓以縣譜為新傳油幕
高張翠羽金支之地鯉庭趨待退衙聽鼓之宵則
無俟沙帽籠頭之書銜袖而十載讀蕭何之律四
時聽宓子之琴磨厲以須及鋒可試早已負大夫
之九能譬雄封於一吠矣惟是仲宣體弱洗馬愁

多將樹幟於膠庠必言旋於故里而天梯石棧叱
馭為難厯井捫參攀絙非易遂援例進藉成均時
也東國人偏久推郭泰西經京術首重申公既振
譽於三雍待署名於千佛雖槐花屢踏帳席帽之
猶搗而斷布能援拔蠶孤而可上其一季父即中
為出貲捐令職非其志也止何而歲華飄瞥日月
不居風木興嗟頻酒鼻魚之涕米軒未擁灰司馬
之心撫孤影兮誰憐懼脩名之不立於是王壽焚
書而儼班超投筆而行俊傑識時曾其然乎道光

酒

年分發浙江初試駕湖再調太末乍停車於
蘭渚重弭節於陽谿莫不碑勒去思訶成來暮或
崔符攻盜四郊空伏莽之戎或棘院掄才三物佐
賓興之典或如史起穿渠木生蟹堞或如王尊治
水身填金堤所尤難者飛芻大詔之遙轉粟五谿以
外山郵水驛聽鳥語之鉤輶箐雨蠻烟行山石之
犂确顧能魚符應刻龍節為期歎騰鏡騎之
羣氣肅銀槍之隊心已殫矣功何偉也迨 年調
繁至平廉蘭著協恭之誼龔黃法撫字之仁狴行

清而庭無留獄苞苴絕而門少襍賓加以求賢若
渴禮士傾襟銜鼓停而一編入手官簾下而萬卷
堆床月窟天根披邵子先天之易谷神元牝秘河公
手註之經可謂有覺德行示民不仇者矣上官廉其
能調署秦順縣知縣元模執物多士傾心玉尺衡
才羣流仰鏡冠君之借未及夫一年賈父之稱已馳
於四境乃者昆嶺回車裝輕載鶴絃溪式化樹爰
留棠垂髻者色舞戴白者神飛花縣班春自種
紅芝碧^棠與^棠新載路何殊鳳笛鸞笙某等久隸

幷懷叨承盼睐羨江敷之風流不墜知朱翁之印
綬將懸爰協同人恭疏短引款效奚斯作頌鞠
脆擊觴却教鮑老當是即當學舞所願郭丹政績
再見於今石奮家聲克昌厥後為咏黃花者晚
能增老圃之光還看絳縣(高)年載獻公堂之祝

綬

鄭母黃太安人七旬壽序

姊

今使圖成金母曲奏璇宮竭桑海以量壽誦靈飛
以晉祝非不足誇張鶴筭胎歸雲屏然而綬山之
桃不若帝城片石釵花九樹何如彤管千秋壽以
茹桐覆乎尚已恭惟鄭母黃太安人琳瑯世胄魏
本無雙况抹花枝名傳第四年方數齒輒閑林菊
之喧弱甫勝不便解春椒之頌脂粉乎仁義膏沐
乎詩書名可鑄善采伴爭推其婉媿心堪映玉閨
儕盡羨其莊妹洎平時當進吉詩咏於歸偕大學

茗 嫗

一覽軒遊集卷四

七

乃

明誠公芳華婉婉嘉耦綢繆秦房中歡喜對茶
 嘉之鏡花開陌上遲味熏徐淑之香每佐讀而膏
 燈時抽觴而弄紫采藍采采慮六日之不詹將翔
 將翔謂百齡之可保止何而彩雲易散春暮難尋
 太學為名促緋衣安人遂塵埋錦瑟波填精衛悵
 恨海之無涯石煉地媧悼情天不補烈不難於
 引及節自矢於磨笄徒以有鳳方雛遺珠在孕婦
 如羣寬以守志家人曲謝以存孤爰乃勤著支機
 侯傳曳練防閑有術冀文伯之克昌告誠多方望

遣

士行之能顯手捋茶而不輟心恤緯兮孔殷况復
 災生无妄楊魏有戎窺巴婦之多穢賊能射影利
 將奴之所有雀或穿墻太安人聞變不驚知幾善處
 效田文之市義折券何妨慕鄭母之施姻抽簪不惜
 監河粟借傾囊回入室之戈歡伯飛觴睦族拜閱
 墻之嚮且也謔出為妖鬱仗肆虐危幾同於幕
 燕殃將及於池魚反風無郭憲之能取錦少邱開
 之術卒之告伯姬而妖鳥空鳴非帝女而龍工可遣
 階火失方揚之勢牽蘿無待補之勞此非天憐水

祝

函

項母林太孺人八十壽序

借郡守銜

蓋聞璇宮雲幄瑞紀提蜚翠水遥池經傳山海倚
 歟往蹟渺矣難追而懷靖巴婦之臺榭斛夫人之號
 獨芬留彤管名炳金閨者何哉事以往而漸湮德無
 遠而弗屆也若是者吾於平之項母林太孺人見之矣
 是歲戊子其嗣孫佩琛以補祝孺人八十生辰乞言於
 予予以章闡懿德示民典常守土者之事也爰次
 第其鴻雁敷陳其盛美為孺人為太學生春臺先
 生德配系出西河家於安國年及笄嬪於太學同

心比德咏琴鼓琴宛熒熒之花繡成並蒂譬同
同之鳥唱出雙聲大學慕於陵薛相之風高乘
爰賢之意將偕老而終焉而孺人謂晏安者醜毒
之媒也見斃者趣時之哲也鳥擇木而棲人擇地
而踏荀采株之自守將魏瓠之無容大學聞而
壯之爰也乃詠良辰戒行李偕大家而蒞洛做少伯
以遊河棹泛甌江白浪湔裙而屢拭車駝昆嶠青
山拂鬢而逾妍動文魚之警乘求吾龜之所契則
有平白石河者距縣治數武街衢洞達烟雲相

殖橘

連洵禺笑相載之鄉良賈貿遷之地也顧而崇之
遂結廬焉同李雅之買隣多貲不惜等晏嬰之
卜宅近市何妨於是乎手捧牢盆旌揚思次黃坵甕
坼醞美百花綠篠園栽侯封萬戶漆林寶井俱登
嶺也值之篇也橘稅菱租并入鈎稽之籍不數年而地
稱金注山號錢來謂非內助之有人能勃興之若
是乎嘉慶二十年嗣君東序援例進藉成均太初
法物之名英聲揮綽董綬儒臬之魏庶士傾心遂
乃招致清流大開瑞室闢南陔而薦爽通北牖以

迎涼綠亞欄邊睇河光之滉漾紅了簾外盪花
氣之氤氳每當早雁新鶯月明風熟夕膳馨而晨
饘潔鹿車挽而鴻案偕閱四世之曾元神益茂明歷
三朝之杖履視聽不衰雖冀缺之如賓劉綱之仙
儷何以加茲夫何好善難圓彩雲易散風摧玉樹
嗣君既已促峇城露萎靈椿太學又庭頌乾蔭
孺人托去之恨露紉為儀當不毀之年懸壺是代恻
淡孀樓之月淒涼子舍之風傷如之何躬自悼矣
願復謦詔度誥宣布楹書等章母之傳經為伯孫

而留硯使謝氏感懷於祖德小同繼美於前徽
洵無忝於母師可垂歲於女史矣道光乙酉歲為
孺人八秩之期家人將祝以陔華謀之賓介孺人
聞之矍然曰壽者酬也福者備也無令德而受徽
言吾茲戚焉如其深貽厥之恩勉繩其之志親不
遺夫三黨惠必及夫六姻度龐褫之必援母緘膝
以自固以吾之願亦乃祖之志也汝曹勉之夙日諾
敢不敬從爰為酌章程壽緩急翳柔惠而野步
鴻務飽葉歌而橋橫雁齒以至蔭暘人於夏樾轉

鳥

畏路為康莊水無不放之龜花有待飼之雀好行
其德於今三年茲歲會平有傑閣奉梓潼神者久
而地壤謀更新之如梁人灌楚境之瓜當仁不讓似
鳥獲扛秦廷之鼎量力而供費千餘金不踰月而告
竣颺旂幢之旖旎自肅靈風仰棟宇之巍巍如
遊帝所從茲雲梯堪接士多奪錦之才仙好樓屋
民慰望老之願功何宏也利斯普為孺人間之色喜
為加一餐而俞其請乃筮是月吉日祝於庭時
也菊婢當階艷映五花之悅瑤英撲面春生一瓣

之香

唱善新哉行登樂府譜壽人曲美媿唐山倚歎
休哉所願魯姑行義之名無忘其初服鄭母贍
姻之化永駐乎春風佇看年年開益壽之花菩
提樹火世世積盈床之芻緡楔門高

滄

方母王孺人五十壽序

今將鋪耀芝田揆張霞訣萬壽詔院移之國千春
稱叨利之天則蒼海不足量鴻壽岡陵不足介緝
福青芝白素麟脯為漿不足以晉瑶觴而侑玉爵
矣不知丹燒絳雪半屬荒唐簡授紫臺類難考信
固知雲仙襍錄不如婦訓之長垂也祝史謏詞不
若女貞之多壽也則有如方母王氏孺人者宗本
樹槐詞媚賦若鴛閨窈窕每借研於諸兄鸞國幽
深膏授書於女塾雖家隣荆岫倚勝繁於蘭亭里

一葉軒

卷四

一葉軒

卷四

美

樞

號仙橋擬滄連於朝水而初七上九渾忘嬉戲之
期竹母花姑共拖柔嘉之範洵可垂美人箴貽聲
婦誠矣及其嬪於方氏也與太學戴山華如桃李
儼若鸞鳳厨下調羹便諧老姑之性堂前推髻能
同夫子之心每當玉佩晨照金鑪夕醅或酣酒而
上伯倫之誠或分涼而來荀粲之情或鏡櫥瓦飛
錦瑟與銀黃並奏或紉罽月墜機聲與夜課
齊宣夜台花初綺閣閒情不少玫瑰笑淺紅腮
韻事偏多所謂美女為媛善心為窈者歟惟是石麟詎

晚未徵紫鸞之祥玉燕投遲誰獻倉庚之膳未免
滂沱達旦標擗終朝於是抱得嬰媿居然猶子姑
真乾嬾女亦佳兒坐銀鹿以嬉解金詞而乳以為
蘭香侍女聊且藉以自娛若夫草佩宜男不妨遲
而有待耳不圖叔臯在而禠祝無灵巫陽招而藁
砧遠逝嗟鵲釵之易折慨鸞鏡之難圓刀已無環
空抱未止之恨芙蓉推去草已虛借老之期朝歌鷓而
愁生夜啼鵲而淚下此則代湘江之竹難以染此
啼痕啣桓山之禽茂由形其悲悼者矣向使志決

孤

磨碎烈惟引刃琴彈別鶴既無分於雙飛夢兆
離鴛誓相從於九死身將化石手輟捋茶把白玉珠
而不離問黃羅襪兮誰著情天莫補將抱憾於
她媧恨海難填并懷慚於精衛又何以徵地道之
成立宋女之式乎孺人知其然也謂髣髴矢志從容
較勝於捐生截耳明貞堅忍所期於幹事以妻
道於臣道殉身易而立孤難等事止於事存萌
蘖生而僵木起况乎田荆樹茂原非旁出之支實桂
花閣木屬同根之種如謝安之侄怡有謝元章阮

祥 叢金

之才不殊大阮爰乃書出豎楹養而能教經傳隔
幔母乃兼師哲嗣祥當紅禪錦髻之年荷竹室桐
盤之寵鳳毛易長犀角通靈才灑墨而文瀾已鮮
甫佩觿而英風早扇遂於道光己丑受知於學使
西溟李公補弟子員聲雋一黌董緩有儒宗之號
名香頻壁半千洵曠世之才非曲體萱心仰承秋
訓者疇克臻此且夫婦主順從坤為吝蓄積而不
散識者嗤之孺人則以禮為度與物為春內則
嫁子娶妻束帛與結禰不忒外則贍姻行義壺

張與饒飯俱施且也金布莊嚴之界砥平福德之
衡念珠挂而經繡法華輕垢捐而篇精梵笑所謂
德隨年進福與慧兼者歟乃者松茂方廣艾年始
屆值萬物棟通之日正百齡得半之時望絳節於中
壇奏雲璈於綺席臺也以葭葦之末戚屆足其間
為哩引之微辭即當而舞所願堅牢仙久禪善長
砌長金芝環繞菩提之樹門標綽楔長也功德之
雲

方星樵先生七十壽序

聞之積石龍門之水必發源于崑崙虛松綺相之
材不植根於培塿古來膺緝福而高曼齡者非獲
益於楮庭即飲聞於蘇教故能陶元立浴素履貞
臨和養晦名山受明之通十賡翔機壽世頌奚斯之
一篇美意延年脩德獲報宜其然矣則有如吾
鄉方翁星樵先生者生而失姑幼異常童以出羣
行止之姿稟斷杼折屨之教纔把卷而誦能過目
甫勝衣而書讀等身當蠟鳳之年已有優龍之譽

黨

而猶志勵慷慨功勤焯掌有承官之溺苦若朱
穆之專愚識者謂靈運述德之詩江總脩身之賦
已肇基於此矣年二十二援例進籍成均設堪奪
席對可書屏羣流仰覽采薇來前輩之呼庶士趨
風負笈有從遊之米越道光某某年捐布政理問
時也里署鳴珂門稱列戟思光近於北闕瑞氣溢
於南榮為母徐太安人請封於朝彤管千秋夙著
姬姜之範釵鈿九樹彌增桓孟之光一綸綽下貴
翟弟有耀孝乎惟孝閔堯榮之且夫堂裏不御畫

燭不燃者限於用也絳灌無文隨陸無武者囿於
才也先生卷舒各得左右咸宜或得劍術於白猿
或受兵符於黄石或揮懶髓於秘索書可活人或
出龍宮之禁方石能生我邑侯瑤圃查公廉其能
會建翹才之館倚為將伯之助先生于是解巾之
鄙度木于山輦蒼鬣之喬松走青牛於文梓良材
既得大厦斯成此又美不勝收多而益善者矣先
生乃適然安雅不慨於心旋以八隄回達之才肩
作室塗丹之任更齊嬰之爽塏三徙何嫌買李重

之芳

隣千金不恠燕翼之謀已遂鴻磐之果何窮雖夢
斷桐桑未免愁生孫楚風催玉樹也曾淚洒西河
而君絃斷而神膠續盒前之玉鏡重開伯霜去而
仲雪留膝下之萊衣起舞回憶養堂上壽叢時酒
晉長庚又當雲錦開屏是日觴飛週甲圖成家慶
樂且無央某等來列賓筵之末敢為隍引之詞頗
類匏宣未工瓦奏廣切人不媚無媿於善頌善禱
之意云爾

鄭綺石先生六十壽序代

嘗謂琪花瑶草必得地而生景星慶雲每因時而
出方今一人錫福四海同春返渾灝於皇初洒
太和於寰宇固已物無疵厲人盡壽康蓋生太順
之朝者福自微游斟元之世者筭自延也若吾舅
氏綺石先生見之矣舅氏人如麟角美濟鳳毛振
采歛飛旗早舉乎文壘及鋒而試步翻躡於童軍
壁也可懷宜席珍而少待蘇而復止將援布而重
登而翁則謂宋有鷁而退飛已失簾雲之志晉射

鷗而不中終漸有括之能遂乃書拋王壽硯林君
苗易王氏之文通為檀家之武達豪如希逸以明
月為飲徒意似彥深呼龍泉為知己杯酣耳熱悲
涼壯士之心筑響情生慷慨英雄之色嘉慶某
某年由太學生援例捐銜副府群超饒騎隊領
銀槍羣公飛薦鷗之章共舉推為邦幹當守嘉
如熊之勇行當錫以兜鍪僉謂富貴逼人將舉
頭而見日男兒作健可呵氣而成雲矣然而山無
伏莽非兇飛食肉之時也海不滄波非猿臂封侯

之日也爰乃鼓打回帆文成誓墓為鹿門之共隱
樂鳶廡以相羊曲唱思姑池躍姜家之鯉詩廣壽
母羹調劉氏之芹道光某某年與伯兄六泉先生
為節母黃氏太孺人請旌於朝彤管馨聞釵花榮
以九樹編音下賁副筭歸以天珈孝半惟孝閭里
稱之雖雀翎側帽而扶輿安仁奉觴而上壽不是
過也止何而離駕北見吹霎風來兩傷奉倩之
神蘭因已沫一覺稠桑之蔓綺障都消當非人
不煖之年單袂自樂作有酒當歌之想三雅橫

飛此非乘彌戾之車游和神之國者能若是耶且
也君子愛人仁者好偉驛留賓而常設田續命
而多腴或堰築魚鱗或橋橫雁齒或金布苦提
之樹或砥平福德之衢所稱雖小善無不為非公
正不羨憤者歎夫德者得也壽者酬也既已集
厥身宜其祥備諸物今者房中樂作夫唱婦隨
堂上筵開伯歌仲舞父子有植梨之醜叔姪著
芝蘭之稱人倫之樂何以加茲某也無逸少之才
敢誇坦腹坐延明之綺席未免汗顏不圖得獲

繫援遂切卵翼望龍門而吐氣出馬廐而揚眉茲
逢皇覽之初幸附賓筵之末所期攀度索之極
枝長生菓結佇看餌麗泉之菊水晚節香多

溫

通海亭 園 景 記